

تۆرك يوردى

تۆرك اوماقلىرى مركزى هيئتى طرفىدىن نىشر اولغور.

نومرو ۳

كانون اول ۱۳۴۰

جلد ۱

ضيا كوك آلب

بىزى آنى برصورتده ترك ايدىن بو بويوك آدامدن - وفاتى اوزرندن هنوز
بر آى كچمديكى حالده - برچوق كيمسه لر بحث ايتدى . بونلر ايچىنده مرحومك
فكر يولداشى ، دوستى ، تليدى ، حيرانى اولانلار وار ؛ بونلر ايچىنده ، « ضيا كوك
آلب » ك فكرى قيمتى علمك بخش ايتدىكى بر بيطرقلقه طارتمش عالمر وار .
حتى « ضيا كوك آلب » شيميدىن تحليل وتنقيد بيله ايدلمشدر . فقط كيم دعا
ايدى بيليركه ، بزم ايچين بر قطعه قادار واسع اولان شخصيتك هر طرفى كشف اولونمش
وايدىنلغه چيقارلمشدر ؟ كيم ، اونك سجه سى ، اخلاقى و خصوصى حياتى حقنده
كافى درجه ده معلومات و يردى ؟

بىجه « ضيا كوك آلب » اصل بو طرفيله قوتلى ، خارق العاده وشايان تدقيقدر .
بوتون بىلىكنى قدسى بر بخور كې صاران « قديم فضيلت » اونك اك شىخى ،
اك بارز خصائلندن بى ايدى . « قديم فضيلت » ! . . . توركجه بىك يايانچى كان
بو تعبىرى ايضاح اتمه مز لازم كلير ؛ بونى ايضاح « موفق اوله بيليرسه ك » ضيا كوك آلب » ي
دهاينى آكلامش اوله جغز . فرنكلرك Vertue antique ديدىكلرى بو خصلت ، اسملى
اساطيره قارىشمش بوتون علم ، فلسفه ، دين وعشق قهرمانلرينه مخصوص اخلاقياتى
خلاصه ايدر . « بالديران » اوتى ايچمه زدن براز اول ، اولوم ياتاغنك اوستنده
مريدلريله آفاقى بر فكر مناقشه سنه دالان « سقراط » دن ؛ دامارلرندن آقان
صوك دامله قانى كولهرك تماشا ايدىن « سەنەك » « قادار بىجه قديم فلسفه پيرلرينك »
« حضرت ايوب » دن « سەن سباستيەن » « قدر برچوق دين فدائيلرينك حيات
دستورى واسكى رومانك - قاطون رومانك - خشين ، درست و درشت حساسيتى
هپ بو اخلاقياتك ايچىنده در .

ایشته ، « ضیا کوك آلب » شرقده ، ایلک دفعه اوله رق ، غربك اكلا دینی علم قاقاسیله برابر بوقدیم فضیلتی نفسنده جمع ایدن برانساندی . اونده اسکی شرق عالمینك درین - فقط مظلم ، قاریشیق - دوشونوش طرز لرندن هیچ برابربولمادی . کچی بونلره خاص اولان او رندانه وقلندرانه مشربدن ده برابر بولمق قابل دکلدر . او ، بوتون فکر لرینی ، بوتون فلسفه سنی کندی حیاته تطبیق ایدن وبونلرک صدفدن دیواری ایچنده یاشایان برپره نسپ آدمی ایدی . فقط بوصدفدن سورایچنده ضیا کوك آلبی احاطه ایدن هوانك برحظ وسعادت هواسی اولدیغنی ظن ایتمه ملیدر . اونك ، بوراده یاندیغنی یاتاق دیکندن وباشنی قویدینی یاصدق طاشدندی و یورغانی « فراغت » دنیان سیاه و آغیر ردادن باشقه برشی دکلدی . روزمره حیاتك بوتون قایغولری خارچنده ؛ آنك ، کیمك ، معدنك بوتون تقاضا لرینه اوموز سیلکهرک ، تامزارینه قادار اطرافنه هیچ باقمق سزین کیدن بوانسانی ، یارب دینخت ، یارب مجذوب تلقی ایدنلر اولمشدر . زیرا ، زمانك سویه سی بو « قدیم فضیلت » آرینی آکلا یه مایه جق قادار دوشکوند . بوتون فکر آداملرینك باشقه تورلودوشونوب ، باشقه تورلویاشاقلری بویکی یوزلی دورده بره نسپلریله معیشتنك طرزینی برلشدیرمش کیمسه لر برر یابانچیدرلر وایچلرنده یابانچیلقلرینك بوتون مرارتی طاشیرلر .

ادعا ایدرم که ، « ضیا کوك آلب » بومرارتی بیله طاشیامشدر . زیرا ، اونك روحنده هیچ بولانمایان ازلی رکوددن برشی وار ایدی . بولوطارک وشمشکرک فوقنده دائمی براق سما ایله همدم اولان یوکسک ذروه لر کچی ، هر وقت انسانی احتراصاتك اوستنده قالان ساکن وواضح باشی ، مرکز عمومی اعضا الغنده بولوندیغنی زمانلرده بیله ، برآن ، « کونده لك بولتیقه » نامنی ویردی کمز صیتمه لی تموجاتك اوزرینه ایکیلمه دی . دائمی یوکسک کوردی ؛ یوکسک دوشوندی . ضیا کوك آلب ، هرشیدن اول یوکسک برانساندی .

بعضوب قدری